



Petak, 12. juni/lipanj 2015, 14:50 CET

Bosna i Hercegovina

Štele i veze još od školskih klupa: Ko uvodi elitizam među djecu u BiH?

Printajte Komentirajte (10) Podijelite



Maja Nikolić

08.06.2015

Tweet 0

Recommend Share 165

+1 0

Follow @RSE_Balkan

Pin it

O brazovski sistem u BiH opterećen je nizom problema-od segregacije u školama do suprostavljenih sadržaja u nastavnim programima. Materijalna situacija je teška, a kadrovska podložna stranačkim a ne stručnim kriterijima. Uz sve to „medvjeda usluga“ se čini djeci kroz pritiske roditelja na rukovodstva u školama da baš njihova djeca bez obzira na rezulate budu proglašena „učnikom generacije“. Time se od „malih“ nogu uče kako doći do rezultata bez obzira na znanje i preko „štela i veza“.

U BiH je posljednjih godina postala potpuno normalna pojava imati jedino podobnost i veze prilikom zapošljavanja. Međutim, ove godine na vidjelo je izašla još jedna činjenica, a to je da se podobnima stvaraju uvjeti da se okite titulama učenika generacije u osnovnim školama i onda kada rezultati nisu na njihovoj strani. Ovo je pokrenulo lavinu pitanja, ali između ostalog i ono koliko je bosanskohercegovačko društvo nisko palo.

Slučaj izbora učenika generacije u Osnovnoj školi Tušanj u Tuzli nedavno je procurio u javnost, a radi se o tome da je titulom učenika generacije okićeno dijete na čijoj strani i nisu baš bili bodovi. Poslije se ispostavilo da su veza i podobnost bili ključni u tom izboru, odnosno zbrajanju bodova.

Ovo nije usamljen slučaj i nije prvi. Ovo se događa već niz godina, samo što je ovaj put jedan od roditelja, **Almir Pirić**, odlučio javno progovoriti.

„Otišao sam do drugih eksperata u Pedagoški zavod, do drugih direktora škola da se posavjetujem i da mi kažu jesam li upravo što sam se pobunio. Svi su mi rekli da ovo što je prikazano u tabeli nije uredu. Ovo je već drugi ili treći slučaj. Znam da je prije dvije ili tri godine u istoj školi moj kolega s kojim radim Senad imao potpuno isti problem. Bezuspješno se mjesecima borio da dokaže prava svog djeteta. Nije uspio. Roditelji se boje odmazde koju direktori i nastavnici rade poslije čiji se roditelji pobune. Tako da uglavnom odustaju. Apelovao bih svim roditeljima da se ne boje. Konačno je vrijeme da barem djecu zaštitimo”, kaže Pirić.

Pirić ističe da je pojašnjenje tražio od direktora škole kojeg smatra odgovornim:

“I umjesto da me kao roditelja, kao stranku, prijatelja, sasluša u svom kabinetu prilikom podnošenja prigovora na odluku koju je on donio, on mi je bukvalno rekao: ‘Šta ti Almire tražiš kad znaš da nisi upravo’. Ja sam samo rekao da mi nije jasna tabela i da želim da mi pojasne bodove u tabeli. Međutim, gospodin mi je rekao da i ako poništim konkurs za izbor učenika generacije da će svejedno opet pobjediti ova kandidatica pod brojem jedan i da će imati više bodova od moje kćerke. To me jako pogodilo”, ispričao nam je Pirić.

Tražili smo i od direktora Osnovne škole Tušanj **Senada Mulića** pojašnjenje, ali samo nam je poslao sms poruku da ne želi javno o ovome govoriti.

U Pedagoškom zavodu Tuzla također su nam potvrdili da su i oni dobivali prijave, ali su nemoćni bilo što napraviti. Pravilnik prema kojem se biraju učenici generacije sasvim je jasan, kažu u Zavodu. Direktori ga se moraju pridržavati, ali ga radije krše ukoliko je to u njihovom osobnom interesu.

A baš u vrijeme kada je jedino znanje bilo "IN" i djecu činilo elitnom predavala je Mara Ostojić.

„Tada smo imali pravu demokraciju. Ovo sada je anarhija – ako se ja pitam. Prije su postojala jasna pravila koja su vrijedila i za mamine i tatine sinove, za djecu fabrikanta, za djecu orača i kopača. Svi su imali iste uvjete i svi su bili jednako tretirani i svi su imali jednake prilike da se iskažu, pokažu, skrenu pažnju na sebe bez nekakvog naguravanja“, kaže direktorica Ostojić.

U Tuzli o izboru direktora škola i školskih odbora uglavnom odlučuje politika, odnosno vladajuće stranke. Direktori, znajući kako su postavljeni, tako pokušavaju i u školama odgovoriti nekim političkim obvezama i interesima. Najčešće preko leđa djece. Ipak, zabrinjava što zbog diranja u prava djece još nijedan nije odgovarao pred institucijama ove zemlje.